



本著作以創用CC「姓名標示-非商業性-禁止改作」4.0國際授權條款釋出。
詳細授權條款，請至 <http://creativecommons.org/licenses/by-nc-nd/4.0/>。
資料來源：教育部電子報「閱讀趣聞客語」專欄 <http://epaper.edu.tw>。

閩／景點／☆☆☆★

基隆的後花園

已經立春規個月矣，寒天的跂步猶原毋願行開跂，寒流三不五時就來擾亂，雨嘛不時滂滂滴。今仔日難得日頭阿公來相揣，阿水叔仔招阮去跔山。阮予厚衫束縛的身軀嘛親像予人放出籠的飛鳥仝款，逐家的心情暢甲若飛佇天頂遐爾仔逍遙自在。

阮拄對石坎仔跔起去，隨傳來一陣一陣的歌聲，透濫著陣陣的芳味。有人佇涼亭仔跂唱『卡拉 OK』；有人佇烘肉區烘肉；有人咧食茶開講，互相消遣拍枵涼。阮一睂仔就行到大湖邊，湖裡有兩對鴛鴦佇遐耍水。看個恩恩愛愛，逍遙自在的模樣，實在足古錐。日頭照佇水面，牽出一絲一絲、爍咧爍咧的魚鱗光，佱岸邊山林的倒影織出一幅美麗的圖樣。有遮嬌的景緻，莫怪遊客相爭欲翕相做紀念。

情人湖是對六條溪仔水相佱來的，形體親像珊瑚仝款。這條環湖的山路，闊度干焦一米外，目睷瞭過去四箍輾轉攏是青 ling-ling 的樹仔欖。佇遮爾清幽的小路仔散步，阮不時會聽著鳥仔的叫聲，會看著膨鼠仔遐跳來跳去，閣會使享受天然的『SPA』，實在真福氣。

吊橋彼片，有幾若个囡仔兄仔遐幌來幌去，個檢采是咧創治頭前彼對愛人仔的款。聽講這條情人橋有一種魔力，若愛人仔來遮迫迫，手牽手行過情人橋，就會結成美滿的姻緣喔！

阮遮的少年家仔真有氣力，拚做頭前幹倒片跔對鴟鴞石遐去。這條線路的塗跂攏鋪細粒石仔，有坎仔嘛有平路。坎仔起起落落毋但袂崎，閣會當享受予石頭仔掠龍的爽快。沿路有幾若座觀景台，青翠的山崙仔一崙一崙、重重疊疊，涼涼的風裡有淡薄仔柚仔花芳。「阿爸！阿母！恁緊來！」哇！目睷前出現一片大海，景緻有夠開闊。阿叔講：「山跂是木山澳仔，倒手片是野柳海角，頭前彼粒是基隆嶼，正手片是澳底漁港。」遠遠看過去閣有幾隻漁船仔欲出海去掠魚，鼻著的是薄薄仔清芳濫鹹甜仔鹹甜的海水味。阿爸笑笑仔講：「恁基隆有遮爾嬌的後花園，也無較早講咧！」阿叔共阿爸的肩胛頭搭一下講：「行！咱來去碧砂漁港食海產！」

作者：賴錫真

☆詞彙學習☆

【滂滂滴】tshàp-tshàp-tih：滴瀝瀝、滴個不停、滴滴答答。

【暢】thiòng：高興雀躍的樣子。

【透濫】thàu-lām：參雜混合。

【拍枵涼】pah-lā-liàng：又唸作 pah-lâ-liàng。閒扯、講風涼話。沒有內容的隨興閒談。

【瞭】lió：眼睛快速掃過，瞄一下的意思。

【四箍輾轉】sì-khoo-liàn-tng：又唸作 sì-khoo-lìn-tng。四周、周遭。

【檢采】kiám-tshái：如果、或許、萬一、說不定。

【創治】tshòng-tī：捉弄、欺負。

【掠龍】liáh-ling：按摩。

【搭】tah：拍。